



ურთიერთთანამშრომლობის მემორანდუმი

სსიპ - ბათუმის ილია ჭავჭავაძის სახელობის პროფესიულ სახელმწიფო დრამატული თეატრსა

და სსიპ - ბათუმის ხელოვნების სასწავლო უნივერსიტეტს შორის

ქ. ბათუმი

23 ნოემბერი, 2019 წელი

პრეამბულა

ერთი მხრივ სსიპ - ბათუმის ილია ჭავჭავაძის სახელობის პროფესიული სახელმწიფო დრამატული თეატრი, წარმოდგენილი სამხატვრო ხელმძღვანელის, ანდრო ენუქიძის მიერ (იურიდიული მისამართი: საქართველო. ქ. ბათუმი, რუსთაველის N1), (შემდგომში „თეატრი“) და მეორე მხრივ, საჯარო სამართლის იურიდიული პირი - ბათუმის ხელოვნების სასწავლო უნივერსიტეტი, წარმოდგენილი რექტორის, მია ჭიჭილეიშვილის მიერ (იურიდიული მისამართი: ქ. ბათუმი, ზურაბ გორგილაძის/ვაჟა ფშაველას ქ. №19/32), (შემდგომში „უნივერსიტეტი“), ორივე ერთად „მხარეებად“ წოდებული, ეყრდნობიან რა თანამშრომლობისა და ურთიერთპატივისცემის პრინციპებს, ერთობლივი პროექტების შემუშავებისა და განხორციელების მიზნით, თანხმდებიან ურთიერთთანამშრომლობაზე:

1. მემორანდუმის საგანი

- 1.1. წინამდებარე მემორანდუმით მხარეები ადგენენ ორმხრივი თანამშრომლობის ფარგლებს, კისრულობენ ვალდებულებას თავისი კომპეტენციის ფარგლებში, საქართველოს კანონმდებლობის შესაბამისად წარმართონ საკუთარი საქმიანობა ურთიერთთანამშრომლობის, პარტნიორობისა და ერთმანეთისადმი ხელშეწყობის პრინციპებზე;
- 1.2. მემორანდუმი არ ზღუდავს თანამშრომლობის სახეებსა და ფარგლებს. მხარეებს შეუძლიათ ითანამშრომლონ ყველა იმ საკითხშიც, რომელიც გამომდინარეობს ორმხრივი ინტერესებიდან, თუმცა ამ მემორანდუმში პირდაპირ არ არის მოხსენებული.

2. მემორანდუმის მიზნები

- 2.1. მემორანდუმის ფარგლებში ურთიერთთანამშრომლობის მიზანია ხელს შეუწყოს:
 - ა) შემოქმედებითი საქმიანობისათვის აუცილებელი მატერიალურ-ტექნიკური რესურსების ეფექტურად გამოყენებას;
 - ბ) ერთობლივი შემოქმედებითი და კულტურის განვითარების პროგრამების მომზადებასა და განხორციელებას;
 - გ) დაგეგმილი რეპერტუარის ფარგლებში გათვალისწინებულ სპექტაკლებზე მაყურებელთა მაქსიმალური მოზიდვასა და დასწრებას.

3. თანამშრომლობის მიმართულებები

3.1. მხარეები თანამშრომლობენ შემდეგი მიმართულებებით:

- ა) აწარმოებენ შეთანხმებულ პოლიტიკას ერთობლივი პროექტების მომზადების, განხორციელებისა და აუცილებელი რესურსების მოზიდვის მიზნით;
- ბ) წინასწარი შეთანხმებისა და სათანადოდ გაფორმებული ხელშეკრულების საფუძველზე გამოიყენებენ ერთმანეთის მატერიალურ-ტექნიკურ და ინტელექტუალურ რესურსს, მემორანდუმის მიზნების მისაღწევად;
- გ) ერთმანეთს გაუწევენ კონსულტაციებს, განახორციელებენ ერთობლივ შემოქმედებით პროექტებს, მოამზადებენ ერთობლივ სიმპოზიუმებს, კონფერენციებს და სხვადასხვა სახის ერთჯერად შემოქმედებით პროექტებს;
- დ) „თეატრი“ „უნივერსიტეტს“ უსასყიდლოდ დაუთმობს სამაყურებლო დარბაზს, მხარეთა მიერ წინასწარ შედგენილი და შეთანხმებული პროექტის განსახორციელებლად;
- ვ) „თეატრი“ და „უნივერსიტეტი“ უზრუნველყოფენ სხვადასხვა სახის შემოქმედებითი და კულტურული ღონისძიებების განხორციელებას.

4. მხარეთა ვალდებულებები

- 4.1. „თეატრი“ იღებს ვალდებულებას წინასწარი შეთანხმების საფუძველზე უნივერსიტეტს დაუთმოს სცენა, ასევე, ჰოლი.
- 4.2. „თეატრი“ იღებს ვალდებულებას, თითოეული სპექტაკლის არასაპრემიერო წარმოდგენაზე უნივერსიტეტის სტუდენტებზე გაავრცელოს ფასდაკლება ბილეთებზე (ნებისმიერი 1 ბილეთის ღირებულება - 5 ლარი);
- 4.3. „თეატრი“ და „უნივერსიტეტი“ დებულობენ ვალდებულებას, საკუთარ ინტერნეტ საიტებზე განათავსონ ერთმანეთის ვებ-გვერდის საინფორმაციო ბანერები, ასევე, განახორციელონ მჭიდრო თანამშრომლობა სოციალურ ქსელებში;
- 4.4. მხარეები ვალდებულნი არიან შეასრულონ წინამდებარე მემორანდუმის პირობები კეთილსინდისიერებისა და ურთიერთპატივისცემის საფუძველზე, წარმართონ საქმიანობა ურთიერთშეთანხმებისა და კოორდინაციის პრინციპებზე;
- 4.5. მხარეთა მიერ ერთობლივად დაგეგმილ ყველა ღონისძიებასა თუ პროექტზე, ამ მემორანდუმის პრინციპებზე დაყრდნობით, შედგება წერილობითი შეთანხმების აქტი, რომელშიც კონკრეტულად იქნება გაწერილი ყოველი დაგეგმილი აქტივობა;
- 4.6. მხარეები კისრულობენ ვალდებულებას შეუთანხმონ ერთმანეთს ნებისმიერი პირობები, რომელიც შეიძლება შეეხოს მეორე მხარის კანონიერ უფლებებსა და ინტერესებს.

5. მემორანდუმის მოქმედების ვადა, ცვლილებები და დამატებები

5.1. მემორანდუმი ძალაში შედის მხარეთა მიერ მისი ხელმოწერის მომენტიდან და მოქმედებს 2 წლის ვადით, თუ მოშლილი არ იქნება ქვემოთ მოყვანილ შემთხვევაში:

ა) მემორანდუმის მოქმედება შეიძლება შეწყდეს მხარეთა ურთიერთშეთანხმების საფუძველზე;

ბ) მემორანდუმის მოქმედების ვადაზე ადრე შეწყვეტის შესახებ მხარეები ვალდებული არიან ერთმანეთს მინიმუმ ერთი თვით ადრე აცნობონ წერილობითი შეტყობინების გაგზავნის გზით

5.2. წინამდებარე მემორანდუმში შესაძლებელია შევიდეს ნებისმიერი სახის ცვლილება ან/და დამატება, რომელიც იურიდიულ ძალას იძენს მხოლოდ მხარეთა მიერ მისი წერილობით გაფორმებისა და ხელმოწერის შემთხვევაში.

6. სხვა პირობები

6.1. მესამე პირებთან ურთიერთობებში არც ერთ მხარეს არა აქვს უფლება იმოქმედოს მეორე მხარის სახელით;

6.2. წინამდებარე მემორანდუმის შესრულებასთან დაკავშირებული სადავო საკითხები გადაიჭრება კონსულტაციებისა და მოლაპარაკებების გზით.

6.3. მემორანდუმი შედგენილია ორ თანაბარი იურიდიული ძალის მქონე ეგზემპლარად და ორივე მხარეს გადაეცემა თითო ეგზემპლარი.

<p>სსიპ - ბათუმის ილია ჭავჭავაძის სახელობის პროფესიული სახელმწიფო დრამატული თეატრი</p> <p>სამხატვრო ხელმძღვანელი ანდრო ენუქიძე</p> 	<p>საჯარო სამართლის იურიდიული პირი - ბათუმის ხელოვნების სასწავლო უნივერსიტეტი</p> <p>რექტორი მაია ჭიჭილეიშვილი</p> 
--	---